

Bosna i Hercegovina
FEDERACIJA BOSNE I HERCEGOVINE
**AGENCIJA ZA NADZOR OSIGURANJA
FEDERACIJE BOSNE I HERCEGOVINE**
S A R A J E V O

Na osnovu čl. 129. i 130. Zakona o osiguranju ("Službene novine Federacije BiH", broj 23/17), čl. 7. i 9. Zakona o posredovanju u privatnom osiguranju ("Službene novine Federacije BiH", br. 22/05, 8/10 i 30/16) i člana 12. Statuta Agencije za nadzor osiguranja Federacije Bosne i Hercegovine ("Službene novine Federacije BiH", broj 84/17), Stručni savjet Agencije za nadzor osiguranja Federacije Bosne i Hercegovine, na 26. sjednici održanoj 23.04.2019. godine, donio je

O D L U K U
o izmjenama i dopunama Odluke o
naknadama

Član 1.

U Odluci o naknadama („Službene novine Federacije BiH“, broj 2/18) u članu 3. stav (4) mijenja se i glasi: „U slučaju odustajanja od zahtjeva podnosioca zahtjeva, Agencija za nadzor vraća 50% uplaćene naknade za rješavanje po zahtjevu podnosiocu zahtjeva“.

Član 2.

U članu 4. u Tarifi 1. iza tačke 6. dodaje se nova tačka 6a. koja glasi „ rješavanje po zahtjevu za promjenu izvora ulaganja sredstava iznosi 500,00KM“;

U Tački 7. iza riječi „ saglasnost za“ dodaje se riječ „članove/“.

Tačka 11. mijenja se i glasi: „rješavanje po zahtjevu za saglasnosti na obavezne akte poslovne politike i izmjene ili dopune obaveznih akata poslovne politike na koje je data saglasnost iznosi 500,00 KM za svaki akt“.

U Tarifi 2. tač. 9. i 11. brišu se.

Dosadašnje tač. od 10. do 16. postaju tač. od 9. do 14.

Dosadašnja tačka 13. koja postaje tačka 11. mijenja se i glasi: „rješavanje po zahtjevu za upis i zahtjevu za produženje upisa u registar podružnice u Federaciji BiH brokerskog društva u osiguranju iz Republike Srpske iznosi 500,00 KM“.

Dosadašnja tačka 14. koja postaje tačka 12. mijenja se i glasi: „rješavanje po zahtjevu za upis i zahtjevu za produženje upisa u registar podružnice u Federaciji BiH društva za zastupanje u osiguranju iz Republike Srpske iznosi 500,00 KM“.

U Tarifi 3. broj „2.000,00 KM“ zamjenjuje se brojem „1.000,00 KM“.

U Tarifi 5. tačka 3. briše se.

Član 3.

U članu 5. stav (2) mijenja se i glasi: „Naknada iz člana 4. Tarifa 6. tačka 2. plaća se godišnje i to u roku od 30 dana od isteka jedne godine dana poslovanja“.

Član 4.

Član 6. mijenja se i glasi:

„(1) Uz svaki podneseni zahtjev iz člana 4. Tarifa 1. osim za tačku 15., Tarifa 2. osim za tač. 11. i 12. i Tarife 3., 4., i 5. dostavlja se dokaz o uplati naknade za rješavanje po zahtjevu“.

(2) Po prijemu obavještenja Agencije za osiguranje Republike Srpske za upis u registar po Tarifi 1. tački 15. ili Tarifi 2. tač. 11. i 12., Agencija za nadzor će u roku od tri dana donijeti zaključak kojim će društvu iz Republike Srpske naložiti uplatu naknade po istom“.

Član 5.

Ova Odluka stupa na snagu osmog dana od dana objavljivanja u "Službenim novinama Federacije BiH".

**PREDSJEDNIK
STRUČNOG SAVJETA**

mr.sci. Edita Kalajdžić

Broj: 021-1206-2/19
Sarajevo, 23.04.2019.godine